



Broj: 01-04-4-2651/22

Datum: 30.09.2022. godine

**BOSNA I HERCEGOVINA**  
**KANTON SARAJEVO**  
**PREMIJER KANTONA SARAJEVO**  
**n/r premijera Forto Edina**  
**Reisa Džemaludina Čauševića broj 1**  
**71 000 Sarajevo**

**Predmet: Zahtjev za hitno postupanje**


Poštovani,

Općina Stari Grad Sarajevo uputila je prije **DVIJE GODINE** Ministarstvu komunalne privrede, infrastrukture, prostornog uređenja, građenja i zaštite okoliša KS Inicijativu za izmjenu Odluke o zaštiti planinskih izvorišta vode za piće sarajevskog vodovodnog sistema i dijela otvorenog toka rijeke Mošćanice, donesene 1997. godine. Uz inicijativu (akt broj: 13/1-19-36-1799/20 od 20.10.2020.godine) resornom ministarstvu upućen je i Elaborat zaštite otvorenog vodotoka Mošćanice, koji je uradila firma ES Hydrotechnics d.o.o. Sarajevo, a izradu finansirala Općina Stari Grad, te revizija Elaborata koju je uradio Institut za hidrotehniku d.d. Sarajevo. Elaboratom i revizijom potvrđeno je da je **kvaliteta vode Mošćanice na otvorenom vodotoku vrlo loša i da se predmetni vodozahvat isključuje kao izvorište**, stoga smo zahtijevali izmjenu Odluke u dijelu koji se odnosi na otvoreni vodotok rijeke Mošćanice, a sve kako bi se omogućila legalizacija cca 500 objekata građana Starog Grada naseljenih na ovom lokalitetu.

**Ministarstvo komunalne privrede, infrastrukture, prostornog uređenja, građenja i zaštite okoliša KS do danas nije uradilo ništa po tom pitanju, uz potpuno zanemarivanje građana i njihovih potreba.**

Postavlja se pitanje da li je ovakav odnos Vlade Kantona Sarajevo i nadležnog Ministarstva rezultat neznanja ili potpune nebrige i zanemarivanja potreba stanovništva, ili je ipak u pitanju svjesno političko manipulisanje kojem je izložena Općina Stari Grad Sarajevo i ja kao Općinski načelnik.

Shodno naprijed navedenom, kao načelnik Općine Stari Grad Sarajevo kojem su interesi građana na prvom mjestu i prioritet u djelovanju, zahtijevam da hitno poduzmete aktivnosti iz utvrđene nadležnosti, te na prvoj narednoj sjednici Vlade KS razmotrite i dostavite na usvajanje Skupštini Kantona Sarajevo tačku o izmjenama dijela Odluke o zaštiti planinskih izvorišta vode za piće sarajevskog vodovodnog sistema i dijela otvorenog toka rijeke Mošćanice.



Ukoliko se nastavi ovako nemaran odnos prema građanima Općine Stari Grad Sarajevo, skrećem Vam pažnju da ću kao Općinski načelnik izabran od strane građana Općine Stari Grad Sarajevo, štiti isključivo njihove interese, te sa svim građanima koji ne mogu da legalizuju svoje objekte na pomenutom lokalitetu izaći pred zastupnike u Skupštini KS i tražiti objašnjenje. Očekujemo da se na navedeno očitujete u što kraćem vremenskom roku.

S poštovanjem,



Dostaviti:

1. Naslovu,
2. Evidencija
3. Arhiv